



Broj: 01-05-1500/17 KM
Sarajevo, 26.04.2017. god.

SKUPŠTINA KANTONA SARAJEVO SARAJEVO

PREDMET: „Poslanička inicijativa“

U prilogu dopisa dostavljamo Vam odgovor na poslaničko pitanje postavljeno na 25. Radnoj sjednici Skupštine Kantona Sarajevo održanoj dana 07.02.2017. godine, od strane zastupnika Rasima Lakote.

Pitanje:

„Uprava za indirektno Oporezivanje je uzela u zalog kao hipoteku 36 vozila Grasa i to: 18 zglobnih autobusa, 10 minibusa, 8 tramvaja. Ta vozila je sadašnji direktor Vatrić dao kao hipoteku u sporazumu sa UIO BIH za neplaćeni iznos PDV-a. Tim sporazumom 2015. Godine Gras se obavezao plaćati redovno PDV, kao i preostali dug u određenim ratama. Taj sporazum nije ispoštovan, i sadašnji dug je narastao na 19,6 miliona KM. Da bi namirili taj dug u tadašnjem iznosu 5 – 6 miliona KM UIO je odlučila prodati vozila putem Aukcije a to provodi Općinski sud.

Ova vozila će se prodavati sve dok se ne namiri dug na koji je sporazum sačinjen. Međutim šta je sa ostatkom duga PDV-a od novih 12 miliona nastalih (ukupan 19,6 mil. KM) koji se svaki mjesec uvećava za nekih 300.000,00 KM i svakodnevnom kamatnom stopom od 0,004% na glavnici.

Ko će odgovarati za navedeno, te šta će Vlada poduzeti po ovom pitanju, da ne dođe do totalnog urušavanja gradskog prijevoza?“

Odgovor :

Imajući u vidu izvještaje o poslovanju poduzeća KJKP „GRAS“ d.o.o. Sarajevo, Ministarstvo je u saradnji sa KJKP „GRAS“ d.o.o. Sarajevo pokrenulo aktivnosti preispitivanja svih relevantnih faktora poslovanja preduzeća zbog:

- Smanjenog prihoda od prevoza putnika (dio koji plaća putnika i subvencija po putniku) i drugih pratećih djelatnosti;
- Povećanja troškova, posebno određenih troškova u njihovoj strukturi;
- Nefunkcionalnosti koja se ogleda u velikom broju ispuštenih vožnji;
- Neusklađenosti prevozne ponude sa prevoznom potražnjom.

Da bi se mogao dati prijedlog mjera vođene su aktivnosti detaljne analize stanja Preduzeća koja obuhvata relevantan skup izmjeritelja kako ekonomske tako i eksploatacione prirode.

U skladu sa Zakona o upravljanju privrednim društvima u nadležnosti Kantona Sarajevo ("Službene novine Kantona Sarajevo", broj: 8/01) ministarstvo je u obavezi vršiti neposredni



nadzor nad radom i poslovanjem KJKP „Gradski saobraćaj“ d.o.o. Sarajevo. Neposredni nadzor se vrši poduzimanjem mjera na otklanjanju negativnih pojava i trendova u poslovanju.

Imajući u vidu trenutnu situaciju, rješavanje problema je koncipirano na duži rok sa potrebom da se obezbjeđuje kontinuitet u funkcionisanju gradskog saobraćaja a što se ne bi mogli sprovesti niti jednom parcijalnom mjerom, već kombinacijom strateških, operativnih i finansijskih mjera usmjerenih ka stabilizaciji poslovanja GRAS-a u kratkom roku. Elementi boniteta posmatrani kroz likvidnost, solventnost i profitabilnost su negativni i nije ih potrebno posebno komentarisati.

Definisane su mjere izlaska iz ovakve situacije i pokazane u takvim scenarijima da će solventnost biti zadovoljavajuća a zatim raditi na tome da preduzeće bude likvidno.

Jedna od predloženih mjera je i rješavanje pitanje obaveza prema UIO, i to:

- **Mjera:** Rješavanje pitanja obaveze prema UIO

Problem i cilj: Obaveze za indirektno poreze nastale su po osnovu prijavljenih, a neplaćenih obaveza po mjesečnim PDV prijavama, dodatno utvrđenih iznosa PDV obaveze za period decembar 2012. - juli 2015. godine, a po Rješenju o PDV kontroli broj: 04-4-1-II-17-1-UP-565-15-2 od 03.03.2016, te zateznih kamata na neplaćene obaveze i troškova prinudne naplate.

Analiza cijena – dobitak: za realizaciju ove mjere u narednom periodu trebati će iznaći sredstva u iznosu 16.100.000,00 KM, ali bez rješavanja ovog pitanja prijevoznik neće moći nastaviti poslovanje, po ovoj obavezi data je hpoteka na vozila.

Način rješavanja: reprogram sporazuma na duži period ili kreditno zaduženje za izmirenje obaveza,

NOSILAC AKTIVNOSTI: KJKP „GRAS“ d.o.o. Sarajevo,

Nadzor: Ministarstvo saobraćaja Kantona Sarajevo, Vlada Kantona Sarajevo.

Rok: Hitno

S poštovanjem,

Dostaviti:

- Skupština Kantona Sarajevo
- evidencija
- arhiva

MINISTAR

Dr.sc Mujo Fišo

Predmet obradio: Muamer Kukan



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

